

新式
标点

四史精華讀本

(四)

附錄

三國志

新式
標點
四史精華讀本



三國志之部

附錄

民國十七年七月初版

新式標點 四史精華讀本

定價 精裝一冊二元五角
平裝四冊一元
外埠酌加運費寄費



原著者

漢司馬遷

東漢班固

宋范曄

晉陳壽

紹興張永鈞

四明劉永年

上海然藜閣書局

中國印刷廠

整理者 校閱者 發行所 代印者

總發行所

上海鴻寶齋書局
會文堂新記書局

分發行所

各省各大書局

新式
標點

四史精華讀本目錄

丁集 三國志之部

〔魏書〕

武帝紀	一
文帝紀	一二
三少帝紀	一三
袁紹傳	二二
臧洪傳	三〇
曹操傳	三七
夏侯玄傳	四三
荀彧傳	四九
袁渙傳	五二

新式標點四史精華讀本

三國志之部

目錄

管甯傳	五四
毛玠傳	五六
鍾繇傳	五九
王朗傳	六二
王肅傳	六五
程曉傳	六七
董昭傳	六九
杜恕傳	七五
陳思王植傳	八三
陳琳傳	九六
傅嘏傳	九七

陳羣傳……………九九

辛毗傳……………一〇〇

王昶傳……………一〇一

〔蜀書〕

先主備紀……………一〇五

先主甘后傳……………一一一

諸葛亮傳……………一二二

龐統傳……………一二六

法正傳……………一三〇

許靖傳……………一三二

秦宓傳……………一三六

劉封傳……………一四〇

彭義傳……………一四三

魏延傳……………一四六

楊儀傳……………一四九

費詩傳……………一五一

郤正傳……………一五二

呂凱傳……………一五七

姜維傳……………一五九

〔吳書〕

孫策傳……………一六四

吳主權傳……………一七〇

孫亮孫休孫皓傳……………一七七

太史慈傳……………一七八

孫皎傳……………一八三

步騭傳……………一八四

薛綜傳……………一八六

周瑜傳……………一九〇

魯肅傳	一九九
陸績傳	二〇七
張溫傳	二〇九
駱統傳	二一四
陸瑁傳	二一七
孫登傳	二一九

附錄一

四史原書提要

附錄二

新式標點符號用法

諸葛恪傳	二三五
賀邵傳	二三九
韋曜傳	二四三
周魴傳	二五一
陸凱傳	二二七
胡綜傳	二三〇

新式
標點

四史精華讀本

丁集 三國志之部

魏書

武帝紀

太祖武皇帝，沛國譙人也。姓曹，諱操，字孟德。漢相國參之後。

〔太祖一名吉利，小字阿瞞。〕

十五年春，下令曰：『自古受命及中興之君，曷嘗不得賢人君子，與之共治天下者乎？及其得賢也，曾不出閭巷。豈幸相遇哉？上之人不求之耳。今天下尚未定，此特求賢之急時也。』孟公綽爲趙魏老則優，不可以爲滕薛大夫。若必廉士而後可用，則齊桓

其何以霸世？今天下得無被褐懷玉而釣於渭濱者乎？又得無盜嫂受金而未遇無知者乎？二三子其佐我明揚仄陋，唯才是舉，吾得而用之！」

〔魏武故事載公十二月己亥令曰：「孤始舉孝廉，年少。自以本非巖穴知名之士，恐爲海內人之所見凡愚，欲爲一郡守，好作政教，以建名立譽，使世士明知之。故在濟南始除殘去穢，平心選舉，違迂諸常侍，以爲彊豪所忿。恐致家禍，故以病還。去官之後，年紀尙少，顧視同歲中年有五十未名爲老。內自圖之：從此卻去二十年，待天下清，乃與同歲中始舉者等耳。故以四時歸鄉里，於譙東五十里築精舍，欲秋夏讀書，冬春射獵。求低下之地，欲以泥水自蔽，絕賓客往來之望。然不能得如意。後徵爲都尉，遷典軍校尉，意遂更欲爲國家討賊立功，欲望封侯，作征西將軍，然後題墓道，言：「漢故征西將軍曹侯之墓。」此其志也。而遭值董卓之難，與舉義兵。是時，合兵能多得耳。然常自損，不欲多之。所以然者：兵多意盛，與彊敵爭，倘更爲禍始。故汴水之戰，數千。後還到揚州更募，亦復不過三千人。此其本志有限

也。後領竟州，破降黃巾三十萬衆。又袁術僭號於九江，下皆稱臣，名門曰：「建號門。」衣被皆爲天子之制，兩婦預爭爲皇后，志計已定，人有勸術使遂卽帝位，露布天下。答言：「曹公尙在，未可也！」後孤討禽其四將，獲其人衆，遂使術窮亡解沮，發病而死。及至袁紹據河北，兵勢彊盛，孤自度勢，實不敵之，但計投死爲國，以義滅身，足垂於後。幸而破紹，梟其二子。又劉表自以爲宗室，包藏奸心，乍前乍卻，以觀世事，據有荊州。孤復定之。遂平天下，身爲宰相。人臣之貴已極，意望已過矣。今孤言此，若爲自大；欲人言盡，故無諱耳。設使國家無孤，不知當幾人稱帝，幾人稱王？或者人見孤彊盛，又性不信天命之事，恐私心相許，言有不遜之志，妄相付度，每用耿耿。

齊桓晉文所以垂稱至今日者，以其兵勢廣大，猶能奉事周室也。論語云：「三分天下有其二，以服事殷，周之德，可謂至德矣。」夫能以大事小也。昔樂毅走趙，趙王欲與之圖燕，樂毅伏而垂泣，對曰：「臣事昭王，猶事大王，臣若獲戾，放在他

國，沒世然後已，不忍謀趙之徒隸，况燕後嗣乎？」胡亥之殺蒙恬也，恬曰：「自吾先人及至子孫，積信於秦，三世矣。今臣將兵三十餘萬，其勢足以背叛，然自知必死而守義者，不敢辱先人之教以忘先王也。」孤每讀此二人書，未嘗不愴然流涕也。

孤祖父以至孤身，皆當親重之任，可謂見信者矣。以及子植兄弟，過於三世矣。孤非徒對諸君說此也；嘗以語妻妾，皆令深知此意。孤謂之言：「願我萬年之後，汝曹皆當出嫁，欲令傳道我心，使它人皆知之。」孤此言，皆肝鬲之要也。所以勸勸懇懇敘心腹者，見周公有金縢之書以自明，恐人不信之故。

然欲孤便爾委捐所典兵衆，以還執事，歸就武平侯國，實不可也。何者？誠恐已離兵，爲人所禍也。既爲子孫計，又已敗，則國家傾危；是以不得慕虛名而處實禍，此所不得爲也。前朝恩封三子爲侯，固辭不受，今更欲受之，非欲復以爲榮，欲以爲外援，爲萬安計。孤聞介推之避晉封，申胥之逃楚賞，未嘗不愴而歎，有以自

省也。

奉國威靈，仗鉞征伐。推弱以克強，處小而禽大，意之所圖，動無違事，心之所慮，何向不濟？遂蕩平天下，不辱主命，可謂天助漢室；非人力也。然封兼四縣，食戶三萬，何德堪之？江湖未靜，不可讓位，至於邑士，可得而辭。今上還陽夏柘菑三縣戶二萬，但食武平萬戶，且以分損務議，少減孤之責也。」

十八年春正月，進軍濡須口，攻破權江西營，獲權都督公孫陽，乃引軍還。招降十四州復爲九州。夏四月，至鄴。五月丙申，天子便御史大夫郗慮持節策命公爲昌黎公，「曰：『朕以不德，少遭愍凶，越在西土，遷於唐衛。當此之時，若綴旒然，非爾登祀，社稷無位，羣凶凱觀，分裂諸夏，率土之民，朕無獲焉。卽我高祖之命，將圖於燕。朕用風興假寐，震悼於厥心，曰：『惟祖惟父，股肱失正。』孰能恤朕躬？』乃聽天衷，誕育丞相，保乂我皇家，弘濟於艱難。朕實賴之。今將授君典禮，其敬聽朕命。」

董卓初興國難，郭后釋位，以謀王室。君則攝進，首啓戎行，此君之忠於本朝也。後及黃巾反復天常，侵我三州，延及平民，君又翦之，以寧東夏，此又君之功也。韓暹楊奉專用威命，君則致討。克黜其難，遂遷許都。造我京畿，設官兆祀，不失舊物，天地鬼神，於是獲乂，此又君之功也。袁術僭逆，肆於淮南，憚君靈，用不顯謀，蕪陽之役，橋蕤授首，稜威南邁，術以隕潰，此又君之功也。迴征東伐，呂布就戮，乘輅將返，張楊殂斃，眭固伏罪，張繡稽服，此又君之功也。袁紹逆亂天常，謀危社稷，馮恃其衆，稱兵內侮。當此之時，王師寡弱，天下寒心，莫有固志，君執大節，精貫白日，奮其武怒，運其神策，致屈官渡，大殲醜類，俾我國家，拯於危墜，此又君之功也。濟師洪河，拓定四州，袁譚高幹，咸梟其首，海盜奔迸，黑山順軌，此又君之功也。烏丸三種，崇亂二世，袁尙因之，逼據塞北，東馬縣車，一征而滅，此又君之功也。劉表背誕，不供貢職，王師首路，威風先逝，百城八郡，交臂屈膝，此又君之功也。馬超成宜，同惡相濟，濱據河潼，求逞所欲，殄之渭南，獻馘萬計，遂定邊境，撫和戎狄，此又君之功

也。鮮卑丁零，重譯而至，單于白屋，請吏率職，此又君之功也。君有定天下之功，重之以明德，班敍海內，宣美風俗，旁施勤教，恤慎刑獄，更無苛政，民無懷慝，敦崇帝族，表繼絕世，舊德前功，罔不咸秩，雖伊尹格于皇天，周公光於四海，方之蔑如也。朕聞先王並建明德，昨之以土，分之以民，崇其寵章，備其禮物，所以藩衛王室，左右厥世也。其在周成，管蔡不靜，懲難念功，乃使邵康公賜齊太公履，東至于海，西至於河，南至于穆陵，北成于無棣，五侯九伯，實得征之。世祚太師，以表東海。爰及襄王，亦有楚人，不供王職，又命晉文登爲侯伯。錫以二輅，虎賁鉄鉞，秬鬯弓矢。大啓南陽，世作盟主。故周室之不壞，繫二國是賴。今君稱丕顯德，明保朕躬，奉答天命。導揚弘烈，綏安九域，莫不率俾。功高至伊周，而賞卑於齊晉。朕甚惡矣！朕以渺渺之身，託於兆民之上，永思厥艱，若涉淵冰，非君攸濟，朕無任焉。今以冀州之河東河內魏郡趙國中山常山鉅鹿安平甘陵平凡十郡，封爲「魏公」。錫君玄土，簋以白茅。爰契爾龜，用建冢社。昔在周室，畢公毛公，入爲卿佐，周召師保，出爲二伯，外內之任，

君實宜之。其以丞相領冀州牧如故！又加君九錫，其敬聽朕命！以君經緯禮律，爲民軌儀，使安職業，無或遷志，是用錫君大輅戎輅各一，玄牡二駟。君勸分務本，穡人暑作，粟帛滯結，大業惟興，是用錫君袞冕之服，赤舄副焉。君敦尚謙讓，俾民興行，少長有禮，上下咸和，是用錫君軒縣之樂，六佾之舞。君翼宣風化，爰發四方，遠人革面，華夏充實，是用錫君朱戶以居。君研其明哲，思帝所難，官才任賢，羣善必舉，是用錫君納陛以登。君秉國之均，正色處中，纖毫之惡，靡不抑退，是用錫君虎賁之士三百人。君糾虔天刑，章厥有罪，犯關干紀，莫不誅殛，是用錫君鈇鉞各一。君龍驤虎視，旁眺八維，掩討逆節，折衝四海，是用錫君彤弓一，彤矢百，旅弓十，旅矢千。君以溫恭爲基，孝友爲德，明允篤誠，感於朕思，是用錫君桓鬯一卣，圭瓚副焉。魏國置丞相已下羣卿百僚，皆如漢初諸侯王之制。往欽哉！敬服朕命，簡恤爾衆，時亮庶功，用終爾顯德，對揚我高祖之休命！」

〔後漢書左丞潘昂之辭也——昂字元茂，陳留中牟人。魏書載公令曰：「夫受九錫

，廣開十字，周公其人也。漢之異姓八王者，與高祖起俱布衣，剏定王業，其功至大，吾何可比之？」前後三讓。於是中軍師王陵，樹亭侯荀攸，前軍師東武亭侯鍾繇，左軍師涼茂，右軍師毛玠，平虜將軍華鄉侯劉勳，建武將軍清苑亭侯劉若，伏波將軍高安侯夏侯惇，揚武將軍都亭侯王忠，奮威將軍樂鄉侯劉展，建忠將軍昌鄉亭侯鮮于輔，奮武將軍安國亭侯程昱，大中大夫都鄉侯賈詡，軍師祭酒千秋亭侯董昭，都亭侯薛洪，南鄉亭侯董蒙，關內侯王粲，傳罪，祭酒王選，袁渙，王朗，張承，任藩，杜襲，中護軍明亭侯曹洪，中領軍萬歲亭侯韓浩，行驍騎將軍安平亭侯曹仁，領護軍將軍王圖，長吏萬潛，謝免，袁羈等勸進曰：「自古三代，胙臣以土，受命中興，對秩輔佐，皆所以褒功賞德，爲國藩衛也。往者，天下崩亂，羣凶豪起，顛越跋扈之險，不可忍言。明公奮身出命，以徇其難。誅「二袁」篡盜之逆，滅黃巾賊亂之類，殄夷首逆，芟撥荒穢，沐浴霜露，二十餘年。書契以來，未有若此功者！昔周公承文武之迹，受已成之業，高枕墨筆，拱揖羣后，商屯之勤，不過二年。呂望因三

分有二之形，據八百諸侯之勢，暫把旄鉞，一時指麾。然皆大啓土宇，跨州兼國，周公八子，並爲侯伯，白牡駢兩，郊祀天地，典策備物，擬則王室，榮章寵盛，如此之弘也。逮至漢興，佐命之臣，張耳吳芮，其功至薄，亦連城開地，南面稱孤。此皆明君達主行之於上，賢臣聖宰受之於下。三代令典，漢帝明制。今比勢，則周呂逸，計功，則張吳微，論制，則齊魯重，言地，則長沙多。然則魏國之封，九錫之榮，況於舊賞，猶懷玉而被褐也。且列侯諸將幸攀龍驥，得竊微勞，佩紫懷黃，蓋以百數，亦將因此傳之萬世；而明公獨辭賞於上，將使其下懷不自安。上達聖朝歡心，下失冠帶至望，忘輔弼之大業，信匹夫之細行，攸等所大懼也。」於是公勅外爲章，但受魏郡。攸等復曰：「伏見魏國初封，聖朝發慮，稽謀羣寮，然後策命；而明公久違上指，不卽大禮。今旣虔奉詔命，副順衆望，又欲辭多當少，讓九受一。是猶漢朝之賞不行，而攸等之請未許也。昔齊魯之封，奄有東海，疆域并賦四百萬家，基隆業廣，易以立功；故能成翼戴之勳，立一匡之績。今魏國雖有十郡之

名，猶減於曲阜，計其戶數，不能參半，以藩衛王室，立垣樹屏，猶未足也。且聖上覽亡秦無輔之禍，懲曩日震蕩之艱，託建忠賢，廢墜是爲，願明公恭承帝命，無或拒違。』公乃受命。」

〔魏略載：公上書謝曰：「臣蒙先帝厚恩，致位郎署，受性疲怠，意望畢足。非敢希望高位，庶幾顯達。會董卓作亂，義當死難。故敢奮身出命，推鋒率衆，遂值千載之運，奉役日下。當「二袁」炎沸侵侮之際，陛下與臣，寒心同憂，顧瞻京師，進受猛敵。常恐君臣俱陷虎口。誠不自意：能全首領。賴祖宗靈佑，醜類夷滅，得使微臣，竊名其間。陛下加恩，授以上相，封爵寵祿，豐大弘厚，生平之願，實不望也。口與心計，幸且待罪，保持列侯，遺付子孫，自託聖世，永無憂責。不意陛下乃發盛意，開國備錫，以貺愚臣。地比齊魯，禮同藩王。非臣無功，所宜膺據。歸情上聞，不蒙聽許。嚴詔切至，誠使臣心俯仰逼迫。伏自惟省，列在大臣，命制王室。身非已有，豈敢自私？遂其愚意，亦將黜退，令就初服。令奉疆土，備數藩翰